

La'o Hamutuk

Institutu Timor-Leste ba Monitor no Analiza Dezenvolvimentu

Rua Felicidade, Gricenfor, Bairro Central, Dili, Timor-Leste

Tel: +670-3321040 ka +670-77234330 (mobile) email: laohamutuk@gmail.com

Website: www.laohamutuk.org



18 Feveiru 2025

Submisaun ba Komisaun C Parlamentu Nasionál

Husi

La'o Hamutuk

Kona-ba

Proposta alterasaun ba Lei Enkuadramentu Orsamentu Jerál Estadu no Jestaun Finanseiru

Introdusaun

Ba dala uluk, La'o Hamutuk apresia ba iniciativa Governu nian atu halo alterasaun ba lei ida ne'e, espera katak prosesu ida ne'e, sei sai oportunidade di'ak atu hametin polítika orsamentál ida ne'ebé transparente, responsavel no partisipativu liu. Ami hein katak prosesu ida ne'e mós bele define estrutura orsamentál ne'ebé apropriadu liu tan iha prosesu no sírkulu orsamentál.

La'o Hamutuk nudár organizasaun Sosiedade sivil ne'ebé konsistente tuir polítika finansiamentu públiku no dezeña planeamentu Polítika relevante sira iha Governu no parlamentu Nasionál. Nune'e, ami apresia no enkoraja atu mantén sistema transparénsia, partisipasaun no akontabilidade iha prosesu sira siklu orsamentál nian

Bainhira iha partisipasaun di'ak liu husi públiku, distintu Deputadu sira bele simu kontribuisaun analítiku husi parte diferente antes iha faze diskusaun no aprovasaun. Infelizmente, ami no sosiedade sivil sira la hetan oportunidade iha audiénsia parlamentár ba proposta alterasaun ida ne'e.

Maske La'o Hamutuk consege hetan informasaun no dokumentu sira atu ajuda ami nia koñesimentu, analiza no rekomendasaun sira hanesan ami deskreve iha submisaun ida ne'e, ami hanoin katak di'ak bainhira ezbosu ba proposta alterasaun lei ida ne'e bele publika iha website Governu no Parlamentu nian, atu asegura asesu públiku no promove transparénsia.

Entre deskrisaun formal no prátika di'ak iha transparénsia

Espozisaun motivu ba proposta alterasaun Lei Enkuadramentu Orsamentu Jerál Estadu no Jestaun Finanseiru deskreve katak eziste frakeza balun iha prosesu orsamentál, tanba ne'e Governu propoin ba alterasaun atu alifia ho pratika di'ak sira internasionál nian kona-ba transparénsia no mós atu estabelese dixiplina iha dívida públuka inklui regulariza sistema ezekusaun sira tuir dixiplina no respeita autorizasaun Parlamentu Nasionál.

Ami konkorda ho lei atuál iha duni dezafiu ho lei no pratika Governu nian ba planeamentu, orsamentasaun, prosesu diskusaun no aprovasaun iha Governu no Parlamentu Nasionál. Ami hein katak proposta alterasaun ne'e nudár oportunidade importante atu define sistema lejizlativa ne'ebé apropiadu, asegura partisipasaun no disponibiliza informasaun no dokumentu públuku ba Parlamentu Nasionál no públuku tomak.

Infelizmente, transparénsia no partisipasaun sira iha prosesu orsamentál kontinua iha defisiénsia maka'as – katak prosesu elaborasaun sira seidak transparente no seidak iha partisipasaun mutua parte interesada sira, liu-liu partisipasaun públuku limitadu tebes iha prosesu elaborasaun too aprovasaun. Ami hanoin katak dalan di'ak liu atu nafatin haktuir ba prinsípiu sira ne'ebé deskreve iha LEO atu realiza iha pratika kona ba estabilidade, klaridade no publikasaun sira hotu tuir tempu, fasil atu komprende no mai dadus ne'ebé util atu asesu no analiza.

Mantén sistema di'ak no mellora liu tan

Ami enkoraja atu mantén prinsípiu jerál ba prosesu orsamentál atu nune'e parte sira Governu, Parlamentu, Sosiedade sivil no públuku bele uza sira nian esperiénsia, koñesimentu no kompara ho tinan sira anterior. Dokumentu sira, prezisa elabora ho maneira komprensivu liu husi konteúdu no lian ne'ebé asesivel atu ajuda ema.

Enkoraja mós atu proposta Orsamentál sira tuir tempu no dokumentu sira tenke disponivel ba públuku atu ajuda sosiedade sivil no parte interesada sira bele lee no analiza atu participa iha audiénsia sira, liuliu molok desizaun sira remata hodi apresenta ba Konsellu Ministru no Parlamentu. Ida ne'e tenke inklui prosesu preparasaun iha kada Ministériu, nune'e mós KROP.

Ami mós husu atu inklui iha previzaun lei nian atu inklui tabela hotu-hotu iha lei orsamentál tenke publika iha Excel ka formatu spreadsheet seluk, konsistente ho padraun no prátika internasionál sira.

Nudár referénsia no rezultadu ba survey ita nian nivel transparénsia, "*Open Budget Survey*" identifika ona forsa no fraku sira iha prosesu orsamentál no fiskalizaun Timor-Leste nian, no proposta lei ne'e apresenta oportunidade perfeitu ida atu responde ba sira.

Ami hein katak komentáriu no rekomendasaun sira ne'ebé ami deskreve ona bele sai nudár baze referénsia ida ba distintu Deputadu/a sira iha uma fukun Parlamentu Nasionál atu tetu ho kuidadu no prudente antes ba to'o iha aprovasaun.

La'ó Hamutuk sempre prontu atu apoiu distintu Deputadu/a sira liu husi audiénsia ka diskusaun. Bele haree ami nian analiza no rekomendasaun sira iha tabela kraik.

Ba atensaun no konsiderasaun tomak ami hato'o obrigadu wain.

Ami be saran lia,



Marta da Silva



Celestino Gusmão



Elizaria Febe Gomes



Charles Scheiner



Mariano Ferreira



Jonathan Gonsalves



Elia da Costa Araujo



Elivania Alves Correia

Artigu husi lei	Preokupasaun	Rekomendasaun
Artigo 2.º Âmbito de aplicação		
<p>2. Não estão integrados no OGE: d) as pessoas coletivas públicas que tenham a natureza e forma de empresa, fundação ou associação pública.</p>	<p>Proposta lei ida ne'e, aplikasaun sei la kobre instituisaun balun hanesan FRSS, RAEOA, Munisípiu, Fundu Petrolíferu no instituisaun ne'ebé iha nian autonomia finanseiru.</p>	<p>Ami rekomenda atu mantén instituisaun balun kontinua iha lei ne'e nian aplikasaun, hanesan RAEOA, Instituisaun Estadu sira hanesan Imprensa Públiku no Institutu Estadu atu iha obrigasaun ba transparénsia iha elaborasaun proposta, partisipasaun públiku no akontavel.</p>
Artigo 6.º Proseccção do interesse público		
<p>2. Sem prejuízo do disposto no número anterior, toda a despesa pública é orientada para a prosseccção do interesse público.</p>	<p>Ami haree katak interese públiku ne'ebá agora iha interpretasaun luan liu. Lei Fundu Petrolíferu deskreve kona-ba levantamentu liu RSE tenke justifika atu investe ba tempu naruk Timor-Leste nian.</p>	<p>Ami rekomenda atu define klaru, planu despeza sira tenke orienta ba interese tempu naruk Timor-Leste nian. Despeza públiku sira reflete iha prinsípiu ekuidade no sustentável. Prevene gastu la nesesáriu no la urgente.</p>
Artigo 7.º Economia, eficiência e eficácia		
<p>1. A assunção de compromissos e a realização de despesa pelos serviços e entidades do Setor Público administrativo estão sujeitas aos princípios da economia, eficiência e eficácia.</p> <p>2. Entende-se por economia a promoção do acréscimo de produtividade pelo alcance de resultados semelhantes com menor despesa.</p> <p>3. Entende-se por eficiência a utilização do mínimo de recursos para assegurar a prestação de serviços públicos</p> <p>4. Entende-se por eficácia a quantidade de impactos positivos na sociedade dos serviços públicos prestados.</p>	<p>Maske artigu ida ne'e importante atu fó previzaun ba Governu hodi elabora proposta orsamentál ho baze ekonómiku no orienta ba impaktu pozitivu husi servisu públiku sira maibé previzaun artigu ne'e nian, jerál de'it define maneira efisiénsia no efikás mak ida ne'ebé.</p>	<p>Nune'e, ami sujere presiza iha artigu ida ne'ebé regula espesífiku atu Governu iha nian elaborasaun proposta orsamentu sira halo ho analiza ba benefísiu no risku molok deside montante ne'ebé apropriadu liu.</p>

Artigu husi lei	Preokupasaun	Rekomendasaun
Artigo 8.º Transparência		
<p>2. Toda a informação relativa à implementação e execução orçamental está publicamente acessível.</p> <p>3. Deve ser garantido o acesso público, de forma atempada, fiável, completa, atualizada, compreensível</p>	<p>Durante ne'e, Proposta Orsamentu Jerál Estadu la disponivel iha públiku, durante elaborasaun iha Ministériu, iha Ministériu Finansa no konsellu Ministru, too Governu submete ba Parlamentu Nasionál – Ministériu Finanzas de'it mak públiku PPL no livru orsamentál sira iha website bainhira PPL OJE tama ona iha PN.</p> <p>Tempu la sufisiente ba Parlamentu Nasionál no públiku atu lee, analiza no fó Paresér ne'ebé di'ak.</p>	<p>Ami sujere atu define klaru iha artigu ida ne'e kona-ba planeamentu no elaborasaun sira hahú husi Ministériu, Ministériu Finansa, KROP no Konsellu Ministru, dokumentu sira bele publika iha website Governu nian atu ajuda asesu públiku.</p> <p>Ami apresia iha número 3 husi artigu ne'e, hateten katak, proposta Orsamentál sira ho forma asesu ba públiku, completa, atualizadu no komprensivu. Ami sujere atu iha definisaun ne'ebé klaru liu tan, nudár obligasaun legal ba Governu hodi disponibiliza dokumentu elaborasaun orsamentál sira husi Ministériu, Ministériu Finansa no Konsellu Ministru atu públiku no Parlamentu Nasionál bele akompañia, analiza no fornese kontribuisaun ezbosu OJE kada tinan antes aprova iha Komisaun Revizaun Orsamentu Polítika no Konsellu Ministru. Nune'e, parte interesada sira hanesan Sosiedade sivil, akadémiku no públiku bele akompañia, uza, analiza no halo influencia iha faze ministerial no KROP.</p>
Artigo 9.º Equidade intergeracional		
<p>O OGE deve assegurar a distribuição equitativa de custos e benefícios entre gerações, não onerando desproporcionalmente as gerações atuais e futuras.</p>	<p>Timor – Leste nian prioridade no despeza, seidauk investe ba Kapitál umanu no ekonomia sustentável.</p> <p>Despeza barak liu ba konsumtivu no infrastrutura desnecesáriu – falta iha investimentu ba edukasaun, saúde públiku, ekonomia no produsaun ai-han. Realidade ida ne'e, kontradís ho previzaun artigu ida ne'e nian.</p>	<p>Ami apresia ba previzaun artigu ne'e nian – despeza sira tenke ho hanoin kle'an no investe ba interesse jerasaun agora no futuro. Ami enkoraja atu define previzaun ruma ne'ebé hametin iha kláuzula legál ida hodi kesi obligasaun Governu nian atu kumpre previzaun legal ida ne'e.</p>
Artigo 10.º Especificação		
<p>2. As receitas são especificadas por classificação orgânica e económica.</p> <p>10. A estrutura dos classificadores orçamentais deve seguir as normas e padrões internacionais e devem ser regulamentadas pelo Governo por Decreto do Governo.</p>		<p>Timor – Leste tuir sistema klasifikasaun orsamentál ho nune'e presiza mós define iha lei ida ne'e kona-ba standard COFOG no standard internasionál sira seluk.</p> <p>Ami enkoraja deputadu sira iha Parlamentu Nasionál atu define iha liña sira artigu ne'e nian atu hametin Klasifikasaun orsamentál sira ho konsistente husi tinan ba tinan.</p>

Artigu husi lei	Preokupasaun	Rekomendasaun
Artigo 11.º Não compensação		
<p>4. A inscrição orçamental das receitas tributárias corresponde aos montantes efetivamente cobrados abatidos das receitas cessantes em virtude de benefícios tributários e dos montantes dos reembolsos e restituições.</p>		<p>Ami rekomena atu define ho klaru liu hodi asegura transparénsia no haktuir prosesu legal sira, nune'e la fó todan ba estadu no la fó benefísiu ba kompañia sira, inklui mós benefísiu tributáriu sira tenke transparente no lejisladu.</p>
Título II Regime financeiro dos serviços e entidades do Setor Público Administrativo		
Artigo 13.º Regime financeiro dos serviços e entidades do Setor Público Administrativo		
<p>3. São serviços sem autonomia financeira, os serviços que compõem a Administração Direta, com exceção dos ministérios, das secretarias de Estado não integradas em ministérios, dos serviços e entidades de apoio aos titulares dos demais órgãos de soberania e dos serviços e entidades que gozem de autonomia financeira por imperativo constitucional.</p> <p>4. São serviços com autonomia financeira:</p> <p>a) Os ministérios e as secretarias de Estado não integrados em ministérios;</p> <p>b) As entidades que gozem dessa autonomia financeira por imperativo constitucional como sejam a Presidência da República, o Parlamento Nacional, os Tribunais, a Procuradoria-Geral da República, a Provedoria dos Direitos Humanos e Justiça e a Comissão Nacional de Eleições;</p> <p>c) As autoridades municipais.</p>		<p>Artigu ida ne'e, liu-liu <i>exceção</i> iha número 3 la klaru, ne'ebé deskreve kona-ba autonomia finanseira, iha konfuzauun uitoan kona-ba entre la ho autonomia iha ministériu sira.</p> <p>Presiza define klaru liu atu ajuda regula Governu no fasilita PN no públiku ninian fiskalizasaun, liu-liu kona-ba aplikasaun Lei enkuadramentu Orsamentál nian. Ami sujere atu RAEOA kontinua iha kontrolu LEO nian atu kesi obrigasaun legal ba transparénsia, partisipasaun no akontavel iha prosesu elaborasaun orsamentál, diskusaun no aprovasaun.</p>
Artigo 15.º Regime aplicável aos serviços com autonomia financeira		
<p>d) Transitar o saldo de gerência de receitas consignadas apurado no exercício orçamental anterior, mediante inscrição no Orçamento Geral do Estado;</p>		<p>Ami preokupa ba kriasaun instituisaun autónoma sira ne'ebé aumenta. Ami mós hanoin katak transferénsia husi balansu ba tinan antes presiza inklui iha Orsamentu Jerál Estadu.</p> <p>Instituisaun autónoma no imprensa públiku sira nian estatutu ba autonomia finanseira, hamenus transparénsia no hamenus kontrolu ba despeza sira.</p> <p>Nune'e, ami sujere iha previzaun legal ida iha artigu ne'e ka lei ida ne'e hodi kesi obrigasaun legal ba instituisaun hirak ne'e ninian transparénsia iha faze elaborasaun, apresentasaun too aprovasaun.</p>

Artigu husi lei	Preokupasaun	Rekomendasaun
Artigo 17.º Autonomia orçamental		
<p>2. Os serviços e entidades que compõem a Região Administrativa Especial de Oe-Cusse Ambeno gozam de autonomia orçamental, com orçamento autónomo integrado no OGE e as demais faculdades orçamentais, financeiras e contabilísticas, nos termos da presente lei.</p> <p>3. Os municípios gozam de autonomia orçamental e têm finanças próprias cuja gestão compete aos respetivos órgãos, nos termos a definir em lei própria.</p>	<p>Sistema transparência no partisipasaun iha RAEOA no Munisípiu seidauk estabelese. Seidauk iha prosesu planeamentu no orsamentasaun iha nivel lokál ne'ebé nakloke no enkoraja partisipasaun públiku.</p>	<p>1. Iha artigu 17; ami hanoin katak - presiza husu justifikasaun lei nu.3 karik ida ne'e iha implikasaun ba polítika descentralizasaun. Presiza esforsu atu haree kona ba oinsá kapasidade Governu lokál atu jere no monitoriza orsamentu rasik liu-liu aseguza transparência iha sistema orsamentál lokál nian.</p> <p>2. Ami sujere atu RAEOA no Kontinua iha kontrolu no aplikasaun lei ida ne'e nian.</p> <p>3. Ami sujere atu munisípiu sira mós kontinua iha lei ida ne'e nian kontrolu ka iha ámbitu sei ida ne'e nian aplikasaun too, Munisípiu sira estabelese sistema transparência, partisipasaun no akontabilidade ne'ebé metin.</p>
Artigo 19.º Conteúdo		
<p>3. No OGE é também inscrita obrigatoriamente uma dotação intitulada “Reserva de Contingência”, de montante não inferior a 2 % e não superior a 5 % do valor total das despesas.</p>	<p>Ami apresia ba kometimentu atu kontinua iha limitasaun ba kontinjência ne'ebé haktuir iha LEO antes.</p>	<p>Ami apresia ba limitasaun <5% no presiza mantén, ami hanoin katak valór despeza husi kontinjência ba tinan partikulár ida presiza inklui iha KJE.</p> <p>Ami mós hanoin katak obrigasaun prinsipál ba empréstimu tenke aprovalu no lejisladu.</p>
Artigo 21.º Orçamentação por programas		
<p>1. Sem prejuízo do disposto no artigo anterior, o OGE estrutura-se em programas.</p>		<p>Ami sujere atu define ho espesífiku ba kada programa.</p>
Capítulo II Planeamento orçamental		
Artigo 23.º Declaração de Estratégia Orçamenta		
<p>Até ao final do mês de junho de cada ano, o Governo envia ao Parlamento Nacional, para informação, uma Declaração de Estratégia Orçamental, que contém, pelo menos, os seguintes elementos:</p> <p>j) Limite do teto despesa total do Setor Público Administrativo para ano orçamental seguinte e para os quatro anos subsequentes;</p>		<p>Ami konkorda katak Governu iha artigu ida ne'e prevee katak Governu sei haruka deklarasaun estratéjia orsamentál ba Parlamentu nasional too rohan husi fulan Juñu kada tinan.</p> <p>Ami sujere atu inklui mós informasaun kona-ba Pobreza, desempregu, balansu pagamentu no sira seluk atu bele refleto situasaun real Nasaun nian.</p> <p>Ami sujere atu define mós iha lei ne'e katak deklarasaun ba estratéjia orsamentál presiza publika atu públiku durante periodu apresiasaun Parlamentu nasional nian.</p>
Artigo 24.º Elementos do planeamento orçamental		
<p>A proposta de Lei do OGE reflete a componente financeira das prioridades nacionais definidas com base nos seguintes elementos:</p>		<p>Ami sujere atu aumenta liña ida iha lista dokumentu hirak ne'e ho informasaun no analiza kona-ba reseita Estadu.</p>
Artigo 29.º Tabelas orçamentais da Lei do OGE		
<p>3. O Governo pode apresentar, por mera referência, os valores relativos a anos orçamentais anteriores e seguintes.</p>		<p>Ami hanoin previzaun ida ne'e importante atu ajuda Parlamentu Nasional no Públiku nian koñesimentu no uza ba analiza. Nune'e ami sujere atu define ho obrigasaun legal ida katak “tenke” la'ós bele de'it.</p>

Artigo husi lei	Preokupasaun	Rekomendasaun
Artigo 30.º Apresentação da proposta de lei do OGE		
<p>4. O Governo deve divulgar, no seu portal oficial da internet, na mesma data, um documento simples informativo, em língua portuguesa e em língua tétum, que apresente, de forma resumida e de fácil compreensão, os pontos essenciais da proposta do OGE com o objetivo de informar os cidadãos sobre o seu conteúdo e de os envolver no processo orçamental.</p>		<p>Ami sujere atu define obrigasaun legal iha lei ida ne'e atu tenke publika proposta orsamentu tomak ho livru sira no inklui dados orsamentál hirak ne'e iha forma ne'ebé disponivel (spreadsheet).</p> <p>Aleinde ne'e, ami sujere atu fornese informasaun sira iha lian Portuguese, ingles no Tetun.</p>
Artigo 32.º Livros de desenvolvimento orçamental		
<p>1. A proposta de lei do OGE é acompanhada pelos seguintes livros de desenvolvimento orçamental:</p> <p>a) Livro orçamental das receitas e das despesas dos serviços e entidades do subsetor da Administração Central;</p> <p>b) Livro orçamental das receitas e das despesas dos serviços e entidades do subsetor da Segurança Social;</p> <p>c) Livro orçamental das receitas e das despesas do subsetor da Região Administrativa Especial de Oe-Cusse Ambeno.</p>		<p>Ami sujere atu define mós iha lei ida ne'e kona ba Fundu Infraestrutura-FI, Fundu Desenvolvementu Kapitál Umanu-FDCH, Orsamentu Munisipál no doadores nia apoiu.</p>
Artigo 34.º Publicação e divulgação		
<p>1. O Governo publica, anualmente, o relatório, os livros de desenvolvimento orçamental e os elementos informativos do OGE no prazo de 30 dias após a entrada em vigor da lei do OGE.</p>		<p>Ami sujere atu inklui definisaun klaru ida iha artigo ida ne'e katak publikasaun sira tenke hahú iha prosesu elaborasaun husi kada Ministériu, iha ministériu finansa, Komisaun revizaun Orsamentu Polítiku, Konsellu Ministru no Parlamentu Nasionál.</p> <p>Nune'e bele ajuda públiku bele partisipa no oferese kontribuisaun.</p>
Artigo 53.º Dívida pública		
<p>1. A dívida do Setor Público Administrativo deve respeitar um limiar de sustentabilidade que não coloque em causa a sua solvabilidade de médio e longo prazos nem a sua capacidade de cumprir os compromissos assumidos.</p> <p>4. A realização da despesa com o pagamento dos juros e a amortização da dívida pública tem prioridade sobre a realização de qualquer outra despesa.</p>		<p>Ami apresia ba artigo ida ne'e katak Governu tenke respeita prinsípiu sustentabilidade ne'ebé bazeia ba Nasaun nian kapasidade atu selu fali dívida publika sira.</p> <p>Presiza define klaru liu tan atu la fó espasu ba Governu hodi halo justifikasaun tuir interese temporáriu kada governasaun ida.</p> <p>Alinea 4 husi artigo ida ne'e kria situasaun perigu ba soberania Nasionál, Ami sujere atu hasai alínea ida ne'e husi lei.</p>

Artigu husi lei	Preokupasaun	Rekomendasaun
Artigo 56.º Receitas gerais		
		Ami sujere atu iha parte ne'e tenke inklui transferénsia husi Fundu Petrolíferu iha lista lei kona-ba reseita jerál.
Artigo 59.º Contratação de Dívida Pública		
<p>4. A contratação de dívida pública de médio e longo prazo compete:</p> <p>a) Ao Conselho de Ministros, após parecer do ministério responsável pela área das finanças, no caso de dívida pública que beneficie a Administração Central;</p> <p>b) Ao INSS, sem prejuízo das competências legalmente cometidas ao FRSS, após parecer vinculativo do ministério responsável pela área das finanças, no caso de dívida pública que beneficie a Segurança Social;</p> <p>c) Ao Presidente da Autoridade da Região Administrativa Especial de Oe-Cusse Ambeno, após parecer vinculativo do ministério responsável pela área das finanças, no caso de dívida pública que beneficie a Região Administrativa Especial de Oe-Cusse Ambeno.</p>		Ami sujere ba alínea 4b no 4 c presiza tetu ka hasai tanba INSS no RAEOA la bele kria nudár obrigasaun todan ba TL.
Artigo 77.º Estrutura		
a) À evolução dos principais indicadores macroeconómicos durante o período da execução orçamental;		Hanesan mós ami nia komentáriu iha artigu 22, atu inklui mós indikadór seluk ne'ebé realistíku atu sukat ekonomia rai-laran.
Artigo 78.º Elementos informativos		
<p>g) Alterações orçamentais, incluindo por utilização da reserva de contingência;</p> <p>i) Situação da dívida pública e das operações de tesouraria, com identificação dos empréstimos contraídos, das condições específicas e dos pagamentos relativos a juros e amortizações realizados por conta de cada empréstimo;</p> <p>o) Informação detalhada de todos os beneficiários de subvenções públicas e dos montantes recebidos;</p>		Ami hanoin katak presiza define ho detallu no klaru ba artigu ida ne'e kona-ba detallu sira husi valór ba despeza husi rezerva kontinjénsia nian.

Artigu husi lei	Preokupasaun	Rekomendasaun
Artigo 80.º Apresentação		
<p>1. O Governo apresenta a CGE ao Parlamento Nacional, para aprovação, e à Câmara de Contas do Tribunal Superior Administrativo, Fiscal e de Contas, para emissão de parecer, no prazo cinco meses a contar do termo do ano orçamental.</p>		<p>Ami rekomenda atu disponibiliza ba públiku liu husi publika iha website Governu nian.</p>
Artigo 81.º Apreciação e aprovação		
<p>O Parlamento Nacional aprecia a CGE, com vista à sua eventual aprovação, no prazo de um mês a contar da receção do parecer da Câmara de Contas do Tribunal Superior Administrativo, Fiscal e de Contas, referido no n.º 2 do artigo anterior, e determina, se a isso houver lugar, a efetivação de responsabilidades nos termos legais.</p>		<p>Fulan Setembru, ne'e nato'on. Ami sujere atu haree ho realistíku kona-ba periodu ida ne'e.</p>
Artigo 82.º Publicação		
<p>2. O Governo assegura a publicação anual do conteúdo integral da CGE no prazo de 30 dias após a sua aprovação.</p>		<p>Ami rekomenda nafatin atu deskreve iha ne'e mós bainhira submete ona presiza públika iha pájina ofisiál sira.</p>
Artigo 85.º Controlo político		
<p>3. O Governo remete ao Parlamento Nacional trimestralmente, até dois meses após o termo de cada trimestre, informação sobre:</p> <p>a) A execução cumulativa do OGE;</p> <p>b) A utilização da reserva de contingência;</p> <p>c) As alterações orçamentais aprovadas pelo Governo; e</p> <p>49 d) As operações de gestão da dívida pública e de contração de empréstimos.</p>		<p>Ami rekomenda atu define previzaun legal iha artigu ne'e ba publikasaun informasaun no dokumentu relevante sira iha pájina ofisiál.</p>